

Ўзбекистон Республикаси Президентининг
ҚАРОРИЎЗБЕКИСТОН RESPUBLIKASI TURIZM VA SPORT
VAZIRLIGI HUZURIDAGI MADANIY MEROS AGENTLIGI
FAOLIYATINI TASHKIL ETISH HAMDA SOXHANI
INNOVATSION RIVOJLANTIRISH CHORA-TADBIRLARI
TUGRISIDA

Ўзбекистон халқининг бой тарихи ва маданиятини акс эттирувчи ноёб ва нодир маданий меросини асраб-авайлашни кучайтириш, соҳани рақамлаштириш, инновацион ривожлантириш ва моддий-техника базасини мустаҳкамлаш, жаҳоннинг илғор тажрибаларини самарали қўллаш, шунингдек, Ўзбекистон Республикаси Президентининг 2021 йил 6 апрелдаги "Туризм, спорт ва маданий мерос соҳаларида давлат бошқаруви тизимини янада такомиллаштириш чора-тадбирлари тўғрисида"ги ПФ-6199-сон Фармони ижросини таъминлаш мақсадида:

1. Туризм ва спорт вазирлиги хузурида **Маданий мерос агентлиги** (кейинги ўринларда — Агентлик) ҳамда унинг Қорақалпоғистон Республикаси, вилоятлар ва Тошкент шаҳар бошқармалари ташкил этилгани маълумот учун қабул қилинсин.

2. Агентликнинг **асосий вазифалари** этиб қуйидагилар белгилансин:

а) моддий маданий мерос объектларини муҳофаза қилиш соҳасида:

моддий маданий мерос объектларини аниқлаш, ҳисобга олиш, муҳофаза қилиш, тарғиб қилиш, давлат реестри, электрон каталоги, паспорти ва давлат кадастрини юритиш, қўриқланадиган теғраларини белгилаш ҳамда соҳада давлат назоратини амалга ошириш;

моддий маданий мерос объектларидан оқилона фойдаланиш, шу жумладан, уларни давлат-хусусий шериклик асосида самарали бошқариш, соҳани рақамлаштириш ва замонавий ахборот технологияларини жорий этиш;

моддий маданий меросни кўчмас мулк объектларида асрашга доир ишларни амалга ошириш, буюртмачи функциясини бажариш, узлуқсиз равишда илмий-техник назорат қилиш, тарихий-маданий экспертиза ва лойиҳа-смета ҳужжатларининг та-

рихий-маданий қимматга таъсири бўйича экспертизасини амалга ошириш;

б) музейлар соҳасида:

миллий музей фондининг давлат каталогини юритиш, музей ашёлари ва музей коллекцияларини миллий музей фонди таркибига киритиш, ундан чиқариш, универсал ҳуқуқий воқислик тартибда ёхуд бошқа усулда бир шахсдан иккинчи шахсга ўтказиш ҳамда соҳада давлат назоратини амалга ошириш;

музейлар фаолиятини мувофиқлаштириш, ривожлантириш, музей ходимларининг малакасини ошириш, қайта тайёрлаш, аттестациядан ўтказиш, музейларнинг тоифаларини белгилаш, миллий музей фондининг очиқлигини таъминлаш ва музей ашёлари ҳамда музей коллекцияларини ўрганиш, оммалаштириш, реставрация ва асрашга доир ишларни амалга ошириш;

▶ Давоми 2-бетда

Ўзбекистон Республикаси Президентининг
ҚАРОРИRESPUBLIKA HUZURLARIDA MEBELSOZLIK SANOATINI
RIVOJLANTIRISHGA QARATILGAN CHORA-TADBIRLAR
TUGRISIDA

Аҳоли турмуш даражаси ва янги қурилатган уй-жойлар сонининг ошиши натижасида мебелсозлик саноати маҳсулотларига нисбатан ошиб бораётган талабни қондириш, республика ҳудудларидаги мебел ишлаб чиқарувчилар фаолиятини қўллаб-қувватлаш, халқаро стандартларга жавоб берадиган ҳамда ички ва ташқи бозорларда рақобатбардор мебел маҳсулотларини ишлаб чиқаришни кенгайтириш мақсадида:

1. Қорақалпоғистон Республикаси Вазирлар Кенгаши ва вилоятлар ҳокимликлари, Инвестициялар ва ташқи савдо вазирлиги, Иқтисодий тарақиёт ва камбағалликни қисқартириш вазирлигининг **1-иловага мувофиқ ҳудудларда кластер усулида мебел маҳсулотларини ишлаб чиқаришга ихтисослашган кичик саноат зоналарини** (кейинги матнларда — кичик саноат зоналари) **ташкिल қилиш** тўғрисидаги тақлифларига розилик берилсин.

2. Белгилаб қўйилсинки:

а) кичик саноат зоналаридаги ишлаб чиқариш майдонлари **мулк**

ҳуқуқи асосида электрон онлайн-аукцион орқали реализация қилинади;

б) кичик саноат зоналаридаги ишлаб чиқариш майдонларига эгалик қилишнинг мажбурий шартли сифатида ушбу кичик саноат зонасининг бош режасига асосан мебел ва унинг бутловчи қисмларини ишлаб чиқариш ҳамда реализация қилиш объектларини жойлаштириш белгиланади;

в) кичик саноат зонасидаги қишлоқ хўжалигида фойдаланилган ер майдонларини мулк **ҳуқуқи асосида электрон онлайн-аукцион орқали реализация қилишдан тушган тушумнинг маҳаллий бюджетга йўналтириладиган қисми** бюджетнинг қўшимча даромади сифатида шакллантирилади ва камида **30 фоизи ушбу ҳудудда** янги ер майдонларини қишлоқ хўжалигига киритиш учун сарфланади;

г) ташкил қилинаётган кичик саноат зоналарининг ташқи муҳандислик-коммуникация тармоқларини қуриш тадбирлари:

ичимлик суви, оқова сув тармоқларини ҳамда автомобиль йўлларини қуриш, реконструкция қилиш ва таъмирлаш ишлари бўйича — 2021–2023 йиллар учун Давлат бюджетига назарда тутилган маблағлар; электр энергияси, табиий газ ва алоқа тармоқларини қуриш, реконструкция қилиш ва таъмирлаш ишлари бўйича — ўрнатилган тартибда таъминотчи корхоналар маблағлари ҳисобидан амалга оширилади.

3. Қорақалпоғистон Республикаси Вазирлар Кенгаши ва вилоятлар ҳокимликлари:

ўн кун мuddатда кичик саноат зоналарини ташкил этиш учун 1-иловада кўрсатилган ер майдонларининг қонунчиликда белгиланган тартибда ажратилишини таъминласин;

бир ой мuddатда Инвестициялар ва ташқи савдо вазирлиги (А.Воитов) билан биргаликда белгиланган тартибда кичик саноат зоналари ҳудудларининг чегаралари ва бош режаси ишлаб чиқиши ва тасдиқлашини таъминласин;

▶ Давоми 3-бетда

Ўзбекистон Республикаси Президентининг
ҚАРОРИTOHKENT HALQARO KINOFESTIVALINI
QAYTA TIKLASH VA UTKAZISH TUGRISIDA

Миллий кино санъатининг асрий аъналарини сақлаш ва ривожлантириш, ушбу санъат тури орқали мамлакатлар ўртасидаги дўстлик, биродарлик ришталарини мустаҳкамлаш, халқаро миқёсда ижодий ҳамкорлик қўламини ва маданий алоқаларни кенгайтириш ҳамда кўп йиллар давомида ўтказилиб келинган жаҳонга машҳур Тошкент халқаро кинофестивалини қайта тиклаш, шунингдек, Ўзбекистон Республикаси Президентининг 2021 йил 7 апрелдаги "Кино санъати ва саноатини янги босқичга олиб чиқиш, соҳани давлат томонидан қўллаб-қувватлаш тизимини янада такомиллаштириш тўғрисида"ги ПФ-6202-сон Фармони ижросини таъминлаш мақсадида:

1. 1968–1997 йиллар давомида Ўзбекистонда ўтказилиб келинган "Осиё, Африка ва Лотин Америкаси мамлакатларининг Тошкент халқаро

кинофестивали" "**Ипак йўли дурдонаси"** Тошкент халқаро кинофестивали номи билан қайта тиклансин ҳамда 2021 йилдан бошлаб **ҳар йили сентябрь-октябрь ойларида Тошкент шаҳрида** ўтказилсин.

2. "**Ипак йўли дурдонаси"** Тошкент халқаро кинофестивалини ўтказишнинг **асосий мақсадлари этиб қуйидагилар белгилансин:**

кино санъати орқали дунё мамлакатлари ўртасида маданиятлараро мулоқотни янада мустаҳкамлаш ва ривожлантириш, жаҳон киноиндустрияси вакиллари билан ҳамкорликда қўшма кино лойиҳалари яратишни кенгайтириш; инсонларварлик ва бағрикенглик, халқлар дўстлигини тарғиб қилувчи, замонавий дунёнинг маданий хилма-хиллигини акс эттирувчи, турли мамлакатларнинг энг сара кино санъати асарларини юртимизга жалб қилиш;

миллий кино санъатини янада ривожлантириш ва халқаро ҳамжамиятдаги нуфузини ошириш, ушбу санъат тури орқали халқимизнинг бой тарихи ва бетакор маданиятини дунёга кенг тарғиб этиш;

хорижлик кино санъати вакиллари билан ҳамкорликда ушбу соҳада илмий-тадқиқот ва изланишларни амалга ошириш, ўзаро тажриба алмашиш, **таниқли кино намояндалари** иштирокида конференция, давра суҳбатлари, тақдирот ва маҳорат дарсларини ташкил этиш.

3. "**Ипак йўли дурдонаси"** XIII Тошкент халқаро кинофестивали (кейинги ўринларда — Кинофестиваль) 2021 йилнинг **28 сентябрь — 3 октябрь** кунлари "**Тинчлик, тарақиёт ва маърифат**" шиори остида ўтказилсин.

▶ Давоми 3-бетда

ХУШХАБАР

TURKISTON — TOHKENT: ILK AVIAPARVOZ TARIXIY
DUSTLIK MUHITINI MUSTAHKAMLAYDI

Кейинги йилларда Марказий Осиё минтақасида ўзаро ҳамжиҳатлик, тарихий дўстлик муносабатлари янгича руҳда мустаҳкамланмоқда. Қайд этиш жоизки, Президентимиз ташаббуси қўшни давлатлар раҳбарлари томонидан қўллаб-қувватланиши натижасида Марказий Осиёда сиёсий мулоқот ва ўзаро ишонч янада мустаҳкамланди.



▶ Давоми 5-бетда

МИНТАҚА МУНОСАБАТЛАРИ

MARKAZIY OSIYO DAVLATLARI URTASIDA
SAVDO-IQTISODIY VA INVESTIYAVIY HAMKORLIKNI
RIVOJLANTIRISH — TARAQIYETNI TAYMINLASH OMI LI

Обид ҲАКИМОВ,
Ўзбекистон Республикаси Президенти Администрацияси хузуридаги Иқтисодий тадқиқотлар ва ислохотлар маркази директори

Хорижий давлатлар, халқаро экспертлар Марказий Осиё давлатларининг ташқи сиёсатдаги устувор йўналишлари фаоллашганини Шавкат Мирзиёев Ўзбекистон Президенти сифатида иш бошлаган давр билан боғлашади. Бу жараёнда Ўзбекистон етакчисининг амалий ҳаракатлари ва ташаббуслари муҳим аҳамият касб этаётгани эътироф этилади.


Президентимизнинг Олий Мажлисга сўнги Мурожаатномасининг ташқи сиёсат бўлимида Марказий Осиё давлатлари билан ҳамкорлик масаласига алоҳида эътибор қаратилди. Давлат етакчиси ташқи сиёсатимизнинг устувор йўналиши бўлган Марказий Осиё давлатлари билан кўп асрлик дўстлик ва яхши қўшничилик, стратегик шериклик ва ўзаро ишонч руҳида алоқаларимизни янада мустаҳкамлаш алоҳида эътиборда бўлишини таъкидлади.

Шавкат Мирзиёев ташаббуси билан ўтган йили Тошкентда Марказий Осиё халқаро институти ташкил этилиб, жорий йил 15-16 июль кунлари пойтахтимизда "Марказий ва Жанубий Осиё: минтақавий ўзаро боғлиқлик. Таҳдидлар ва имкониятлар" мавзусида юқори даражадаги халқаро конференция ўтказилиши режалаштирилган.

▶ Давоми 4-бетда

МИЛЛАТ ФИДОЙИЛАРИ

XX ASR BERUNIYISI



Наим КАРИМОВ,
академик

Одатда ўзбек халқидан етишиб чиққан буюк алломалар ҳақида сўз борганда Форобий, Ибн Сино, Замахшарий, Беруний, Улуғбек сингари машҳур аждодларимиз номларини фахр билан тилга оламиз, лекин XX асрда дунёга келиб, жаҳон фани тараққиётига катта ҳисса қўшган ватандошларимиз ҳам улар билан бир сафда туриши мумкинлигини кўпма ҳаёлимизга келтиривермаймиз. Мен бу ўринда геология соҳасидаги кашфиётлари билан илм-фан оламини ларзага келтирган машҳур ўзбек олими, жамоат арбоби, академик Ҳабиб Абдуллаевни назарда тутяпман.

Собиқ СССР Фанлар академияси академиги Виктор Амбарцумян ўз хотираларида буюк ўзбек олими ҳақида бундай дейди: "Ҳабиб Муҳамедович Абдуллаевдек буюк инсонлар ҳар кун, ҳар йили туғилавермайди. Бундай инсонлар 100 йилда бир туғилади".

1912 йили чекка бир қишлоқда туғилган болакайни Тошкентга келиб, Урта Осиё геология мактаби асосчиси, Ўзбекистон

Фанлар академияси президенти, жаҳоншумул геолог олим даражасига эришди, деб ҳеч ким ўйламаган. Лекин Ҳабиб Абдуллаев қисқа мuddатда илм-фаннинг энг юксак чўққиларини забт этиб, академик Ғани Мавлонов ёзганидек, "Урта Осиё тарихида етишиб чиққан йигирма биринчи буюк олим" сифатида шуҳрат қозонди.

▶ Давоми 6-бетда

